



## Haere ake nei



### Totoro Atu



### Tuhinga hukihuki o te Whakapuakitanga



### Whakawhitiwhiti i te tuhinga hukihuki o te Whakapuakitanga

## Me pēhea e uru mai?

He hiahia nō mātou ki te rongō i ō whakaaro me pēhea e uru mai, me ngā mahinga mō te whakamahere Whakapuakitanga mā te:



### Hui ipurangi ā-motu



### awheawhe

## He aha te Whakapuakitanga?

I te tau 2007, i whakaaetia e te Huinga Whānui o te Rūnanga Whakakotahi i Ngā Iwi o te Ao te tāpaetanga o ngā tika mō ngā Iwi Taketake. I kīia he whānui ngā tika me ngā herekore, pērā i te tino rangatiratanga, i te ahurea me te tuakiri, me ngā tika ki te mātauranga, tupu ōhanga, tikanga whakapono, hauora me te reo.

Ko te tino rangatiratanga te ngako o te Whakapuakitanga. He hiranga te tino rangatiratanga kia tutuki pai ai ngā tika katoa o ngā iwi taketake.

## He aha ngā wā whakatutuki?

- Whakatinanatanga o te rautaki Totoro Atu [Oketopa 2021 tīmatanga o Pepuere 2022]
- Whakahoki kōrero ki te Kāhui Minita mō ngā whakahoki kōrero a te totoro atu me te whakaae atu ki te tukanga tuhituhi tuatahi [Pepuere 2022]
- Tuhinga hukihuki o te Whakapuakitanga [Maehe – Mei 2022]
- Whakaaetanga o te Kāhui Minita ki te tuhinga hukihuki o te Whakapuakitanga me te tono whakawhitiwhiti ki te marea [Hune 2022]
- Hui Whakawhitiwhiti [Hune – Oketopa 2022]
- Whakaaetanga o te Kāhui Minita ki te Whakapuakitanga whakamutunga me te tono whakawhitiwhiti ki te marea [Thema 2022]

## He aha e hirahira ai tēnei kaupapa?

Mā te Whakapuakitanga e:

- Hāpai te whakapakaritanga o te tino rangatiratanga me te oranganui o te Māori mā te whakapūmau i ō rātou tika, pērā i te tino rangatiratanga hei iwi Taketake o Aotearoa
- Āwhina te Kāwanatanga ki te whakaea i Te Tiriti o Waitangi me te whakapakari i te hononga Māori-Karauna i runga i te whakaarotau o te Kāwanatanga ki te para i te huarahi whakamua, i te wā tonu o te aranga i te KOWHEORI-19
- Whakaū te rongō o Aotearoa huri i te ao, i tā tātou manawanui ki te hiki i ngā tika me ngā wawata o ngā iwi Taketake
- Whaipanga ngā tāngata katoa o Aotearoa

## Me pēhea tēnei tukanga e whakapakari ake i te rangatiratanga/mana motuhake mō ngā whānau?

- Mā ngā whānau, hapū, iwi, rōpū Māori e tautuhi ngā whakaarotau mō te mahere
- Mā ngā Iwi e ārahi te totoro atu tae noa ki te tīmatanga o Pepuere
- Ko te NICF, mā te Pou Tikanga, ka mahi tahi me te kāwanatanga ki te whakarite mahere mō te Whakapuakitanga, ā, ka mahi tahi hoki me ngā āpiha ki te whakahaere i te totoro atu ki a Māori mā.
- E hāngai ana tēnei mahi i roto i te whakaarotau o te Pou Tikanga (Noema 2020) ki te “Mahi tahi me te kāwanatanga ki te whakatinana, ki te aroturuki hoki i tētahi Mahere Mahi ā-Motu ki te whakatinana i te UN Whakapuakitanga mō ngā Tika o ngā Iwi Taketake”.





## He aha te hanga o te Whakapuakitanga?



E 26 ngā whiti, e 46 ngā atikara o te Whakapuakitanga. He āheinga ture, matatika, tōrangapū hoki te Whakapuakitanga hei ārahi i ngā ture, kaupapa here, tikanga hoki ā-whenua e pā ana ki ngā Iwi Taketake me te whakamārama i ngā ture tika tangata o te ao.

Ko ngā Iwi Taketake o te ao – tae noa ki te Māori – me ngā kāwanatanga i hāpai i te tuhinga hukihuki o te Whakapuakitanga. E whakaatu ana i ngā taumata tika tangata o te ao o nāianei me te waihanga i ētahi tika motuhake, pērā i te tika ā-rōpū, e whai pānga atu ki ngā Iwi Taketake.

## He aha te pānga atu o te Whakapuakitanga ki Te Tiriti o Waitangi?



Nā Te Tiriti i kī taurangi ki te Māori te rangatiratanga tonutanga me ngā tika ki ā rātou taonga katoa. I oati hoki i te mana ōrite mō te Māori me te whakahaere tonu i ā rātou tikanga katoa.

E whakaatu ana te Whakapuakitanga i ngā pae iti kia eke mō ngā Iwi Taketake kia tutuki pai ai i aua tika.

I roto i ēnei pukapuka ka whakaatuhia te mana motuhake Māori ki te whakahaere i a rātou me te whiriwhiri i ō rātou wawata, ki te uru ki roto i te whakahaere Karauna, i te ture me te kaupapa here, tae noa ki te tiakitanga i ō rātou tika.

## He aha ngā kaupapa matua o te Whakapuakitanga?



**Tino rangatiratanga:** He mōtika nō ngā Iwi taketake ki te tino rangatiratanga, tae noa ki te whakawhanake i tō rātou ōhanga, pāpori, ahurea hoki. He mōtika hoki nō ngā Iwi taketake ki te whakahaere i a rātou, tae noa ki te pupuri me te whakapakari i ō rātou ake whare whakahaere.

**Mana ōrite me te toihara kore:** He herekore, he mana ōrite hoki ō ngā Iwi taketake e rite ana ki te katoa, me te herekore i ngā toihara.

**Whai wāhi ki te kāwanatanga:** E pupuri ana ngā Iwi taketake ki ō rātou tika ki te kuhukuhu, ki te pīrangi rātou, ki roto i ngā tika tōrangapū, ōhanga, pāpori, ahurea anō hoki o te motu, mā tā rātou whakatūranga i ngā māngai. Pērā i ngā here i runga i te kāwanatanga kia whiwhi whakaaetanga herekore, i mua, mārama hoki i mua i ngā whakataunga ka whai pānga atu pea ki a rātou.

**Pāpori, ahurea, ōhanga oranganui:** He mōtika nō ngā Iwi taketake ki te hiki i ō rātou pūnaha tōrangapū, pāpori me ōhanga me te whakamau, whakahaere, whakatupu, tiaki, tuku iho hoki i ō rātou mātauranga ahurea, mātauranga taketake me ngā reo.

**Whenua, rohe me ngā rawa:** He mōtika nō ngā Iwi taketake ki te whaipānga, ki te whakahaere hoki i ngā whenua e pupuri ana rātou, tae noa ki ngā tika ki te utu paremata mō te raupatu i ō rātou whenua. Me whai te Kāwanatanga kia ngāwari, kia tūwhera ngā tukanga kia mōhio ā-ture ō rātou whenua.

Mō ētahi mōhiohio anō me ngā hononga, whāia:

<https://www.tpk.govt.nz/en/whakamahia/un-declaration-on-the-rights-of-indigenous-peoples>

